

1. **VETERINARSKI FAKULTET U SARAJEVU**, sa sjedištem u Sarajevu u ulici Zmaja od Bosne 90, JIB: 4200228330004 kojeg zastupa dekan prof.dr. Nihad Fejzić (u daljem tekstu: Fakultet) i
2. **MAPRIM MAGAZIN D.O.O., RIBNJAK „RESNIK“, PAZARIĆ** sa sjedištem u Sarajevu u ulici Ćemaluša 14, 71000 Sarajevo, ID: 4200197780006 koju zastupa direktor Sulejman Ćatović (u daljem tekstu: Ribnjak)

zaključili su dana 22.01.2019. godine sljedeći:

UGOVOR **o nastavnoj, naučnoj i stručno-tehnološkoj saradnji**

I PREDMET I CILJEVI UGOVORA

Član 1.

Svrha ovog ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog ugovora će biti sljedeća:

- edukacije studenata Fakulteta;
- ispitivanje i utvrđivanje zdravstvenog statusa ribljeg fonda na ribogojilištu;
- dijagnostički, preventivni i kurativni tretmani u skladu sa planom i programom izvođenja nastavnog procesa;
- stručni savjeti o ishrani, tehnologiji uzgoja vezano za bolesti riba i uputstva za liječenje, preventivna tretiranja te suzbijanje ustanovljenih oboljenja.

II OBAVEZE UGOVORNIH STRANA

Član 2.

U cilju realizacije ovog ugovora Ribnjak se obavezuje da će: obezbjediti nesmetan pristup, boravak i praktičan rad akademskom osoblju i studentima Fakulteta pod nadzorom saradnika Odjeljenja za akvakulturu;

- omogućiti učešće akademskog osoblja i studenata u edukaciji tehnološke proizvodnje riba, kontrole zdravstvenog stanja riba, kontrole proizvodnje kvaliteta i higijenske ispravnosti riba kao i kontrole ishrane riba po nastavnom planu i programu;
- omogućiti učešće studenata u edukaciji pri dijagnostičkim, preventivnim i kurativnim tretmanima;
- da će osigurati prostorije prostoriju za pretragu svježeg materijala koje će obavljati saradnici Odjeljenja za akvakulturu;
- redovno pratiti biotehnološku, epizootiološku situaciju i zdravstveno stanje kao i druge mjere koje preporučuje saradnici Odjeljenja za akvakulturu i na osnovu dogovora o eventualnim izmjenama blagovremeno izvještavati Odjeljenje za akvakulturu.

Član 3.

U cilju realizacije ovog ugovora Fakultet - Odjeljenje za akvakulturu se obavezuje da će obavljati:

- izvršiti zdravstveno-klinički pregled riba (adspekcijski pregled, sekcije i mikroskopske pretrage) svih starosnih kategorija riba koje se uzgajaju u Ribnjaku;
- obavljati dijagnostičke, preventivne i kurativne tretmane u skladu sa planom i programom izvođenja nastavnog procesa;
- davati stručne savjete o ishrani, tehnologiji uzgoja za bolesti riba i uputstva za liječenje, preventivna tretiranja te suzbijanje ustanovljenih oboljenja.

Član 4.

Eventualne finansijske obaveze nastale u realizaciji ovog Ugovora između ugovornih strana će biti regulisane posebnim aneksom.

III PRIJELAZNE I ZAVRŠNE ODREDBE

Član 5.

Ovaj Ugovor se zaključuje na vremenski period od 4 (četiri) godine računajući od dana potpisivanja istog sa pravom jednostranog raskida Ugovora od svake ugovorne strane poštivajući otkazni rok od 20 dana.

Član 6.

Izmjene ovog ugovora mogu se vršiti uz saglasnost obje ugovorne strane i to putem aneksa ugovora.

Član 7.

Eventualno sporna pitanja iz ovog ugovora ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost Općinskog suda u Sarajevu.

Član 8.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po dva 2 (dva) primjerka.

Veterinarski fakultet Sarajevo

Prof.dr. Nihad Fejzić, dekan

Broj: 07-04-28-18/19



Maprim Magazin d.o.o.

Sulejman Čatović, direktor

Broj: